



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instructio practica ...

Institutiones Qvintvplicis Theologiæ - Positivæ videlicet, Asceticæ,
Polemicæ, Speculativæ, & Moralis complectens, Unà cum Appendice
Methodum compendiariam reformationis Ecclesiasticæ à Concilio
Tridentino factæ continente

Lohner, Tobias

Dilingæ, 1679

Cap. VI. De Sacramento ordinis.

[urn:nbn:de:hbz:466:1-48233](https://nbn-resolving.org/urn:nbn:de:hbz:466:1-48233)

divina celebranda aut Sacramenta administranda admittant. sess. 23. c. 16.

V. Publicè & notoriè criminosos altari ministrare aut Sacris interesse ne permittant. sess. 22. decret. de obl. & ev. in celebr. Missæ.

VI. Privatis in domibus atque extra Ecclesiam & oratoria ab ipsis ordinariis designanda & visitanda Sacrificiis ne sinant. ibidem.

VII. Ab Ecclesiis Musica lascivas, sæculares actus, vana atque ad eò profana colloquia, deambulationes, strepitus, clamores arceant. ibidem.

VIII. Caveant, ne Sacerdotes aliis, quàm debitis horis celebrent; ne ritus aut ceremonias & preces ab Ecclesiis non receptas adhibeant. ibidem.

IX. Missarum & candelarum numerum, superfluum removeant. ibidem.

X. Doceant populum de sacrificii hujus fructu, & memorent, ut frequenter ad suas Parochias saltem diebus dominicis & majoribus Festis accedant. ibid.

XI. Hæc & quæcunque alia huc pertinere visa fuerint, ipsi ut delegati Apostolici mandent, corrigant, statuant, sub censuris & pœnis arbitrariis, non obstantibus privilegiis, appellationibus, & consuetudinibus quibuscunque. ibidem.

XII. Ubi tantus est Missarum numerus pro defunctis, ut illis pro singulis præscriptis diebus satis fieri nequeat, vel elemosyna pro illis nimis est tenuis, possunt Episcopi Synodo diocesana: item Abbates & Generales ordinum Capitulis generalibus statuire, quidquid viderint expedire, ita tamen, ut eorum defunctorum semper commemoratio fiat, qui legata reliquerunt. sess. 25.

C A P U T VI.

DE SACRAMENTO ORDINIS.

§. I.

De Prima Tonsura & ordinibus minoribus.

I. **P**rima tonsurâ non initiatur, nisi confirmati, & crea-

rudimenta fidei, ac legere & scribere, quique hoc vitæ ge-
neris ob divinum cultum eligant. Sess. 23. c. 4.

II. Ad minores Ordines promovendi bonum à Paro-
cho & Magistro Scholæ, testimonium habeant, ibidem. c. 5.
linguam latinam intelligant, & dent spem scientiæ majoris
ibidem. c. 11.

III. Per temporum intervalla conferantur, & promovi
a uno quoque tempore se in iis exercent, idque in ea, cui
ascripi erunt, Ecclesiâ; & non nisi post annum à susceptio-
ne postremi Ordinis minoris ad Sacros Ordines promovean-
tur, nisi necessitas, aut Ecclesiæ utilitas iudicio Episcopi aliud
proposcat. ibidem.

IV. Nullus primâ tonsurâ aut Minoribus initiatus ca-
terum est beneficii ante annum 14. ætatis. ibid. c. 6.

V. Nec gaudet privilegio fori, nisi Beneficium habeat
& habitum ac tonsuram deferens alicui Ecclesiæ ex mandato
Episcopi deserviat, vel in Seminario aut Scholis, quasi in via
ad majores Ordines versetur. ibidem.

VI. In Clericis conjugatis servetur constitutio Bonifa-
cii IX. quæ incipit: Clerici, qui cum unicis. (in 6. de Cle-
rico conjugat.)

VII. Modò alicui Ecclesiæ in habitu & tonsurâ ex de-
terminatione Episcopi deserviant. ibidem.

§. II.

De Ordinibus Majoribus.

I. Ad singulos Majores assumendi per mensem ante or-
dinationem Episcopum adeant, qui Parocho aut alteri com-
mittat, ut nominibus ac desideriis eorum in templo publicè
propositis de ipsorum Natalibus, ætate, moribus, vitâ in-
quirat.

II. Et litteras testimoniales inquisitionem continen-
tes ad Episcopum quàm primùm transmittat. Sess. 23. c. 5.

III. Nullus imposterum ne Regularis quidem ad Sub-
diaconatus Ordinem ante 22. ad Diaconatus ante 23. ad Pres-
byteratus ante 25. ætatis annum promoveatur. ibid. Privi-
legiis penitus exclusis. ibid. c. 12.

IV. Nullus Clericus sæcularis ad Ordines Majores pro-
movea-

moveatur, nisi pacificè Beneficium sufficiens possideat. Quod resignare validè non possit, nisi expresso titulo hoc Ordinationis, & nisi aliunde vivere commodè possit. Sess. 21. c. 2.

V. Titulo patrimonii vel pensionis ordinari non possint, nisi quos Episcopus judicaverit Ecclesiis suis necessarias vel utiles, & à quibus patrimonium aut pensio sufficiens vel obtineatur, quam resignare sine licentia Episcopi non possint, donec aliud beneficium sufficiens habeant. ibidem.

VI. Nullus ordinetur imposterum, qui Ecclesie proprio loco, pro quo assumitur, non adscribatur, ubi suis fungatur muneribus, nec incertis vagetur sedibus. Sess. 23. c. 16.

VII. Si locum inconsulto Episcopo deseruerit, et sacerdotum exercitium interdicatur. ibidem.

VIII. Subdiaconi & Diaconi ordinentur, ut habeant bonum testimonium, & in minoribus jam probati, ac literis, aliisque necessariis instructi, qui sperent, se posse contere, Ecclesiis suis inserviant. ibidem.

IX. Promoti ad Subdiaconatum, ad altio rem Ordinem non ascendant intra annum, nisi aliud Episcopo viderentur. ibidem.

X. Duo Sacri Ordines eodem die nemini etiam Regulari conferantur, non obstantibus quibuscumque privilegiis. ibidem.

XI. Ad Presbyteratum assumantur in aliis Ordinibus antè probati, bonum habentes testimonium per annum in Diaconatu versati, nisi aliud Episcopo videretur; ad Populum docendum præcedente examine reperti idonei & pietate ac moribus conspicui. ibidem.

XII. Curet Episcopus, ut Sacerdotes saltem diebus Dominicis & festis solennibus celebrent; Curati autem toties quoties tenentur. ibid.

XIII. Nullus etiam Regularis potest Confessiones secularium etiam Sacerdotum audire, nec ad id idoneus reputari, nisi aut Parochiale Beneficium habeat, aut ab Episcopo per examen, si illis videbitur esse necessarium, aut alias idoneus judicetur, & approbationem, quæ gratis detur, obtineat, Privilegiis & consuetudine non obstantibus. ibid. c. 16.

XIV. Imposterum ministeria Ordinum non nisi per constitutos in illis exercentur, omnesque Prælati, quantum

fieri commodè poterit, hujusmodi functiones restituant, easque exercentibus ex simplicibus Beneficiis aut Fabrica Ecclesie, si proventus suppetant, stipendia assignent. *ibid.* c. 17.

XV. Ministeria Minorum, si Cœlibes defint, obire possunt Clerici conjugati, modò non sint bigami, & tonsuram ac habitum gestent. *ibidem.*

§. III.

Quo tempore ac loco, & à quo Episcopo Ordines conferri debeant.

I. Ordinationes statutis temporibus in Cathedrali Ecclesia vocatis, presentibusque Canonicis publicè fiant. *Sess.* 23. cap. 8.

II. Si autem alibi, presente Clero loci dignior Ecclesia, quantum fieri poterit, adeatur. *ibidem.*

III. Episcopus autem viris peritis sibi adscitis, eorum genus, personam, ætatem, institutionem, mores, doctrinam *ibidem* examinet. *ibid.* Regulares quoque sine præcedente examine non ordinet, privilegiis omnino exclusis. *ibid.* cap. 12.

IV. Episcopi per se ipsos ordinent. Si ægri sint, subditos non aliter, quam probatos, examinatos, ad alium Episcopum dimittant. *ibidem.*

V. Ordinum collatores, eorumque ministri pro Ordinum & Tonsuræ collatione, item pro dimissoriis aut testimonialibus, vel pro sigillo, etiam sponte oblatum nihil accipiant. *Sess.* 21. c. 1.

VI. Notariis verò (ubi non viget laudabilis consuetudo nihil accipiendi) alio salario destitutis pro litteris dimissoriis & testimonialibus decimam tantum aurei parte accipere liceat, Contrariis taxis, statutis, consuetudinibus quibusvis cessatis. *ibidem.*

VII. Unusquisque à suo proprio Episcopo ordinetur. *Sess.* 23. c. 8.

VIII. Petens promoveri ab alio, non ordinetur, nisi Ordinarii sui testimonio commendetur. Si secus fiat, ordinans collatione Ordinum per annum, & ordinatus ab eorum executione ad arbitrium Ordinarii sit suspensus. *ibidem.*

IX. Epi-

IX. Episcopus familiarem suum non subditum ordinare non possit, nisi per triennium secum fuerit commoratus & Episcopus ordinans in sua Diocesi resideat. Sess. 14. c. 11.

X. Episcopus quoscunque suos Clericos præsertim in sacris Constitutos, sine suo examine, litteris, & auctoritate promotos, quos minus idoneos repererit, ad tempus potest suspendere ab Ordinum exercitio. Sess. 14. c. 3.

XI. Nec Abbates, nec alii exempti, aut collegia, Capitula litteras dimissorias Clericis sæcularibus concedant, sed Episcopi, non obstantibus privilegiis, & consuetudinibus quibusvis. Sess. 23. c. 10.

XII. Capitula sede vacante, infra annum à die vacationis, dimissorias alicui, qui beneficii recepti vel recipiendi occasione arctatus non fuerit, ne concedant, alias subjaceant interdictioni, & sic ordinati in minoribus nullo privilegio speciali gaudent, in majoribus verò ab exercitio Ordinum ipso jure suspensi. Sess. 7. c. 10.

XIII. Hæc pœna extenditur ad eos, qui eandem litteram ab aliis quibusvis in jurisdictione Episcopi loco Capituli vacante succedentibus obtinent; Concedentes autem beneficio per annum sint ipso jure suspensi. Sess. 23. c. 10.

XIV. Nullus Episcopus Pontificalia in aliena Diocesi exerceat, nisi de Ordinarii loci expressa licentia, & in Penas eidem Ordinario subjectas tantum. Sess. 6. c. 5.

XV. Si secus factum fuerit, Episcopus ab exercitio Pontificalium, & sic ordinati ab executione Ordinum sint ipso jure suspensi. ibidem.

XVI. Episcopi titulares neminem etiam præter familiarem suum, continuæ commensalitatæ suæ absque sui proprii Prælati expresso consensu aut dimissoriis ad aliquem ordinem vel primam tonsuram promovere valeant. Sess. 14. c. 2. Contra faciens à Pontificalibus per annum, promotor verò ab Ordinibus ad arbitrium sui Prælati sint ipso jure suspensi. ibidem.

XVII. Abbatibus & aliis quibusvis, quantumvis exemptis non liceat intra fines alicujus Diocesis, etsi nullius Diocesis esse dicantur, cuiquam, qui Regularibus sibi subditus non sit, Tonsuram, vel minores Ordines conferre. Sess. 23. cap. 10.